

1 MA KORINTOSE

Ọko Ɖeakatõ Gọ I Paulo Ọtsere Ọtã Ma Korintose

¹ Mme Paulo gọ iki i Ẹaa mọmọ kudọe ame lođe Yesu Kristo Katõmesedze gu bo ọnyiibi Sostene lotsere mi ọko gọgbe.

² Boto botsere ọko gọgbe botã Korinto mafọdẹdze ma iki i Yesu Kristo iso ne, Ẹaa ọdji ma ọse ọtã so. Ọkpere ma sọ maade ọ maturi Sekelea ẹ kumẹgọ ọkpere mma ọdudu ana nse makpere Bosate Yesu Kristo. Ọ nde bo gu ma ọdudu Ọkọse ne.

³ Bo Ọse Ẹaa gu Bosate Yesu Kristo si matã mi abualera gu isobue.

Ẹaa Se Ọtã Bo Ara Sese Iki I Yesu Kristo Iso.

⁴ Nse lope Ẹaa siba ọwi biara i mi iti ala nnyainyọ ne ọtã mi iki i Yesu Kristo iso.

⁵ Gọ mibara mawẽ ku Kristo ọso ne, miọse katõ i ira biara ame, ta ikade ọdudu gu inogba ọdudu ame.

⁶ Kristo iso itõme ana ọore siqu i mi ame kukaako.

⁷ Ne ọso ne, siwarã ame karatã kukawẽ iibo mi kusa gọ misi misia Ẹaa sọ ọatã Bosate Yesu Kristo ọledza iba.

⁸ Ọto ọadzuẽ mi gọ mimọẽ mi kafọkade mito sekelee ise iabo kawirikõ. Ọto ọatã sọ ọwi gọ i Bosate Yesu Kristo aaba ọayegu kayiiso atõme ne, ọatã mi ibe.

⁹ Үaa gɔ lokpere mi sɔ mibara mawẽ gu ð Ɔbi Bosate Yesu Kristo ne, ɔɔɔ ngo iso miawo iti ɔsia.

Minyo So Kukaako So Iyeyeso Kuiwẽ Iibawe I Mi Ndẽ.

¹⁰ I ɔle gɔ i Bokɔse Yesu Kristo ɔtã me kanya ne, loto mi i kukpa teteree sɔ le manyii awe ne, minɔgu so ara karɔ sɔ iyeyeso kuiwẽ iibawe i mi ndẽ. Minyo sɔ mi kanya aadɛ kawẽ i ara wa mise mibu gu nwa mise misia ita iso.

¹¹ Wũ manyii, bo manyii ma lobɔre i Kloɛ iyo ame ɔyere me sɔ kakpadzẽ pia i mi ndẽ.

¹² Nne loto loye ndɛ sɔ, mi ndẽ ɔbiara to ɔye sɔ, “Mme ne, Paulo kama losiai.” Ɔmama ana sɔ, “Mme, Apolo kama losiai.” Ɔmama ana sɔ, “Mme, Petro kama losiai.” Fie mamama ana sɔ, “Mme, Kristo losiai.”

¹³ Lokare mi ne, Kristo ne, ɔye maɣeyɛ wũ? Eɛberɛ Paulo ɔɔɔ lokpi i kudziri iso i mi iti? Mapie mi ndẽ ɔwẽ Үaa ndu i Paulo iyere ame? Ooɔo!

¹⁴ Lope Үaa siba sɔ loibara Үaa itupie kubarara lotã mi kuwẽ idɔ Krispo gu Gaio ɔnɔwẽ.

¹⁵ Ne ɔso kuwẽ iibawo ɔye sɔ wũ iyere ame ɔfo Үaa itupie.

¹⁶ Loɔnyigi sɔ Stefana gu ð iyo maturi ana ne, lotã ma Үaa itupie. Ne kama ne, loisito lonyigi kuwẽ gɔ lobara ana.

¹⁷ Kristo iipia me sɔ loba loibara maturi Үaa itupie kubarara. Үɛɛ ɔpia me sɔ lose loayere kayiiso maturi Itɔme Bielea. Loise loye ne ku kayiiso inɔgba, alasɔ loito lobie sɔ ɔle gɔ mpia

i Kristo kukpi gɔ ɔkpi i kudziri iso aayu kɔ̃ ɔle kukpese kukpi gɔ nna kusia.

Kristo Iso Itɔ̃me Nɔ̃de ʎaa ɔle Gu Iwola.

¹⁸ Mma nsegbai lote sɔ maɔkpi i Siwarã ame ne, Kristo kukpi i kudziri iso itɔ̃me ɔ̃e idzimira itã ma. ʎɛɛ bo ma lona idj i ʎaa ame ne, itɔ̃me nɛmɔ ɔ̃e ɔle itã bo.

¹⁹ I ɔko Sekelea ame ne, ʎaa ɔʎɛ sɔ, “Loanina manɔgbadze inɔgbɔ.

Fie loatã sɔ makotsuese inɔgbɔ aakpese siefe.”

²⁰ Iyɔ le i kayi gagbe manɔgbadze pia? Le i makotsuese pia? Fie mma nse makpadzẽ atɔ̃me ne, le mapia ma wũ? ʎaa ɔ̃te sɔ kayiiso gagbe inɔgbɔ ne, sidzimi siɔ̃e.

²¹ ʎaa ɔki i ɔ̃ iwola negbe iso ɔbara maturi ngbɔ sɔ maibaki i kayiiso inɔgbɔ iso matsue wũ. ɔ̃ itɔ̃me nɛ boto boʎɛ fie ire sidzimi itɔ̃me i mawẽ kɔ̃rɛ i ngbe ne, ne iso i ʎaa ɔki ɔ̃tã mma lofɔ maɔ̃e ngbã ne.

²² Ma Yudase to mabie iwawãra sɔ manya fie ma Helase ana to mabie kayiiso inɔgbɔ sɔ matsue.

²³ ʎɛɛ bo ne, Kristo gɔ mapɛ mamatãra i kudziri iso itɔ̃me boto boʎɛ. Itɔ̃me negbe ɔ̃ta iya ma Yudase iso fie mma loiɔ̃e ma Yudase ana ne, ire ma sidzimi itɔ̃me.

²⁴ ʎɛɛ ne, mma i ʎaa ɔ̃ɔ̃i ɔ̃tã so i ma Yudase gu ma Helase ndẽ ne, Kristo iso itɔ̃me nɛ boto boʎɛ ɔ̃e ʎaa ɔle gu iwola itã ma.

²⁵ Alaso nne i maturi se manyɔ sɔ iɔ̃e ʎaa sidzimi ne, iɔ̃o ma inɔgbɔ, fie nne nɔ̃e ʎaa ɔle idaawe ne, iba ɔle iɔ̃o maturi ɔle.

²⁶ Manyii, si Ƴaa aadi mi ne, minyigi kumegɔ mise i maturi anɔ. Mi gɔdzoo iide mma mba ɔle ɣee manɔgbadze fie miibɔre i siɣekpare dze mase maware ame ana.

²⁷ Ƴee ne, Ƴaa ɔɔi mma loire kuira i kayiiso maturi anɔ sɔ si ɔasu ɔpia kayi gagbe manɔgbadze kunuare. Ɔɔi mma nna ɔle i kayiiso ara inyo kanya sɔ si ɔsu ɔpia kayi gagbe maturi ma mba ɔle kunuare.

²⁸ Ƴaa ɔɔi mma loire kuira i maturi anɔ i ɔri kuwẽ iso, fie mana kuware kukuwẽ sɔ si ɔsu ɔsopara mma nse mabu so sɔ maba kuware.

²⁹ Nnɛgbe loate sɔ ɔturi kuwẽ iibawo so kato ɔkɔle i Ƴaa katɔ ne.

³⁰ Ƴaa ɔtã sɔ miɔbara mawẽ ku Yesu Kristo. Ɔ nde bo iwola ne i Ƴaa ɔsu ɔtã bo. Iki i ɔ iso fie Ƴaa ɔnyɔ bo sɔ bose bɔlɔlɔ. Bɔɔkpese Ƴaa maturi sekelea fie ɔtã bo akpi iti kuso.

³¹ Ne ɔso i Ɔko Sekelea ɔɣe sɔ, “Ngɔ loɔɔe ndamu ne, ɔɔe ndamu i nne i Bosate ɔbara iso ne.”

2

Paulo Ɔɔe Ika I Kristo Iso.

¹ Manyii, ɔwi gɔ loba loɔɔere mi Ƴaa itɔme wɛre ne, iide ɔnyamerẽ gu kayiiso inɔgba ame loba loɔɔere mi.

² Ɔwi gɔ lowe i mi kɔre ne, loide mi ika i kuira iso ido Yesu Kristo iso gu ɔ kukpi i kudziri iso.

³ Ɔturi gɔ nna ɔle gu ngɔ nse ɔnigã ɔti ɔkpakpa loɔe ku ɔwi gɔmɔ ame.

⁴ Minya i wũ ara ite ame ɔɖuɖu sɔ loide ɔturi go nse ɔɣe atɔme siare loɖe. Ƴee wũ itɔme ɔte sɔ Ƴaa Siwarã ɔle pia gbaã.

⁵ Ne ɔso loibabie sɔ mi kafɔkaɖe si kasia i maturi inɔgba iso ɣee ne, kasia i Ƴaa ɔle iso.

Ƴaa Siwarã Ƴe Ira Biara I Ƴaa Iso.

⁶ Ƴee mma loɔmɔ i Ƴaa Siwarã ame ne, lose loɣere ma Ƴaa itɔme i inɔgba kɔlea ame, iide kayi gagbe inɔgba gu atakere ma ɔle maɔfo ma iso itɔme nto loɣe.

⁷ Iwola ne loto loɣe ala ngbe ne, Ƴaa ɔfu ne ara, ɔkɔla ne i ɔ ame. Ƴee ɔsia ne ita kokooko ta kayi karɔkasɛkɔ sɔ ne iso ɔaki fie ɔaɖi bo.

⁸ Kayi gagbe atakere kuwẽ iixe iwola neɓbe. Alaso si maɣe ne ne, tee maibape Bosate matãra i kudziri iso.

⁹ Ƴee matsere i Ɔko Sekelea ame sɔ,

“Ara wa i kuwẽ iinya,

ɣee kutsue iino

gu nne i kuwẽ iibu ɔnya ne, ne i Ƴaa

ɔledza ɔse ɔtã mma nse maɖɔe wũ ne.”

¹⁰ Ƴee bo ɔso i Ƴaa ɔɖi awerera wagbe ɔbo i ɔgbami iki i ɔ Siwarã iso.

Ƴaa Siwarã se sinyonyo ira biara sitsue fie siɣe ta Ƴaa ara werɛa.

¹¹ Kumego i ɔturi siwarã dze mpia i ɔ ame ɣe ira biara i ɔ iso ne, ngbo ame i Ƴaa Siwarã ɣe ira biara i Ƴaa iso ne.

¹² Bo ne, iide siwarã dze nto siɖe kayi gagbe iso mpia i bo ame. Ƴee Ƴaa Siwarã dze nse sitã bono bo karatã ga i Ƴaa ɔtã bo karɔ mpia i bo ame.

¹³ Ne ɔso ne, iide kayi gagbe iwola ne bosuã bobɔregu i maturi kɔre ara boto bote mi. Ƴee bɔse boɖi Siwarã ame ara karɔ bote mi ma ame i Siwarã pia.

¹⁴ Ɖbiara go i Ƴaa Siwarã iito siɖe iso ne, ɔibawo Ƴaa Siwarã karatã gagbe ɔfo. Ɖibano kã karɔ ana alaso kare adzimira i ɔ kɔre. Ngo ame i Ƴaa Siwarã pia to ɔano ara wagbe karɔ fie ɔana wã kusia.

¹⁵ Ngo i Ƴaa Siwarã to siɖe iso ne, ɔse ɔnya isee gu ilalaa ɔɖi ite. Ƴee maturi iise manya wũ maɖi ite.

¹⁶ Ɖko Sekelea ɔɣe so,
 “Nna nɣe Bosate iti ame?
 Fie nna loate wũ ara?”
 Ƴee bo ne, Kristo adzuni mpia i bo ame.

3

Ƴaa Marabaradze Boɖe.

¹ Manyii, i ɔnukuare ame ne, loiwo mi ika ɔɖe le mma i Ƴaa Siwarã to siɖe iso. Ƴee loɖe mi ika le kayiiso maturi awe. Loɖe mi ika le mabiɛɛ i Kristo kafɔkaɖe ame.

² Wũ ara wa lote mi ne, ase ɖɔbɔɔ le inyedu me i ɔbiɛɛ se ɔmeme, iide makpakpa aɖera. Alaso ɔwi go mo ame ne, miimo mitã makpakpa aɖera fie ipe i kinio ana ne, miito miwo makpakpa aɖera ɔɖe.

³ Misi ngbã le mma adzuni ɔɖuɖu nsia i kayi gagbe ara iso. Si mito mikpɛgu so sirere fie mito milogu so ne, ne kerekere ɔte so sosina ara kere misi mitã, fie mikotegu kayi gagbe maturi.

⁴ Si mi ndě mawě to μαγε σο, “Mme, Paulo kama losiai.” Omama ana σο, “Mme, Apolo kama losiai” ne, iyo mito mibara ara le nna i kayiiso adzuni kere nto ađe ma iso.

⁵ Fie nwagbe oduđu kama ne, nna nde Apolo fie nna nde Paulo? Yaa marabaradze kere bođe. Bo iso kere miki mifo miđe fie bo ndě obiaara to obara nne i Yaa otã wũ so obara.

⁶ Mme lose karabara karõ le kumego mase mape orađui fie Apolo ka ofere orađui ndu. Yee Yaa ođe lotã so orađui ore iti.

⁷ Ne oso ne, iide ngo lope orađui, xee ngo lofere ndu lonya, xee Yaa go lotã so ore iti lonya ođo.

⁸ Ikpaki kuiwě na i ngo lope orađui gu ngo lofere wũ ndu ame. Yaa loatã ma oduđu kuso i ma karabara kanya.

⁹ Malaa bođe i Yaa karabara ame fie mi nde Yaa kakpekõ. Yaa iyo ana miđe.

¹⁰ Yaa ole go otã me kanya ne, nto lobara karabara le yotsuese see awe. Lopia iyo i karõ ame gu ata. Omama õ wũ oba õatsue osia iso. Yee obiaara si onyo kukaako kumego õatsue osia iso.

¹¹ Alaso Yesu Kristo nde le ita ne mapia ala iyo i karõ ame fie oturi biara aatsue osia iso. Kuwě iisibawo ita mama opia i karõ ame.

¹² Si orere osu sikãretã xee sifudza xee ata wa lofo kuɣa xee sidziri xee katĩ otsue iyo nemõ ne,

¹³ obiaara karabara ga obara to kaabore kayi. Kristo iyi siare nemõ loadji obiaara karabara ite. Iyi nemõ ne, oto loadji obiaara karabara ote. Oto maasu makere obiaara karabara manyo si kasee kađe.

14 Si sɔ nne i ɔturi ɔsu ɔtsue iyo ɔwo ɔto gɔgbe ame ɔki ɔbɔre fie iitsue ne, ɔafo kuso gɔ lokote.

15 Ƴee si ɔrere ara wa ɔtsue ala iyo ɔtsue i ɔto ame ne, ɔibana kuso kukuwɛ ɔfo. Ƴee ɔ mɔmɔ to ɔana idji le ngo lotere ɔbɔre i ɔto ame.

Mi Mɔmɔ Nɔɔe Ƴaa Isɔreyo.

16 Mitsue sɔ mi mɔmɔ nɔɔe Ƴaa isɔreyo fie Ƴaa Siwarã pia i mi ame.

17 Ƴaa isɔreyo se sekelee fie mi nɔɔe isɔreyo nɛmɔ. Si ɔrere ɔnina ne ne, Ƴaa to ɔawɔra ɔnyiio gɔmɔ ɔ wũ.

18 Mi ndɛ kuwɛ si ɔdaasɔsɔla sɔ. Si mi ɔrere ɔbu sɔ sɔ ɔɔɔe kayi gagbe iso nɔɔɔbadze ne, ɔbara sɔ le dzimifo i maturi anɔ si ɔakpese nɔɔɔbadze bielea i Ƴaa anɔ.

19 Alasɔ ara wa i kayiiso maturi se manyo sɔ aɔɔe iwola ne, wã nɔɔe adzimira i Ƴaa anɔ ne. Matsere mapia i Ɔko Sekelea ame sɔ, “Manɔɔbadze inɔɔɔba i Ƴaa se ɔsu ɔmɔɛ ma i iyebi ame.”

20 Maledza itsere ana sɔ, “Ƴaa xe sɔ manɔɔbadze adzuni ne, siefe kere aɔɔe.”

21 Ne ɔso kuwɛ si ɔdaakɔle sɔ kato i ara wa i maturi aawo ɔbara iso. Alasɔ ira biara se itã mi isee.

22 Paulo xe Apolo xe Petro xe kayi gagbe xe kukpi gu ngbã, kinio xe ɔwi gɔ nto ɔba i katɔ ne, wã ɔɔɔɔɔɔ ɔɔe mi are.

23 Kristo mare miɔɔe, fie Kristo ɔ wũ Ƴaa ɔre ɔɔɔe.

4

Boabara Kristo Karabara I Ori Iso.

¹ Mila mionyo bo le Kristo marabaradze ma nto manyo Yaa atome wera iso.

² Nne i okose se obie oboregu i marabaradze magbe igba kore nde so maabara ma karabara i onukuare ame.

³ Kini ne, iito ida me si mi gee orere aagegu me atome. Mme momo kora loise loyegu so atome.

⁴ Wu kayere iise kata me ipo i ori kuwe iso. Gee iide ne nto ite so loise lobara ikpi alaso Bokose loyegu me atome.

⁵ Ne oso ne, kuwe si odaagegu o olaa atome fie owi aago. Owi go i Bosate oba ne, o loyegu obiara atome ku iyi tsora ne. O nto oba obadi awerera odudu obo obgami fie obadi ta nwa mpia i maturi adzuni ame ote. Mmo i Yaa aale obiara go lokote ota ile ne.

⁶ Manyii, si miano ara karo oso fie losu mme gu Apolo lota mi ikpari. Misua nne itome ne matsere mase ngbe to ite so, "Mibara ara i ori iso." Ne oso midanyo kuwe so okole odo o olaa.

⁷ Nna lobara-o fie afo kuxa ado fo olaa? Ara wa odudu aba ne, Yaa losu ota-o. Si ngbo ide ne, be oso fie ato akole so kato le iide Yaa lota-o.

⁸ Ka miba ira biara ne mito mibie? Miokpese maranase miro? Miokpese magara ku owi go ame bo boikpese magara? Ai, wu kayiri tee magara ka mide fie bo wu boadegu mi sigara.

⁹ Ibara me le bo katomemasedze ne, kaseko tsora i Yaa osu ota bo. Bo nde mma mata ipo

gu ira ne i maturi aanyo botã kayiiso odudu fie maadoe bo i kađe odudu gu Yaa makpabo ano.

¹⁰ Kristo oso ne, bođe madzimifo. Yee mi ne, miđe manogbadze. Bookpese maturi xaa ma nna ole, xee mi ne, miba ole. Boire kuirã i maturi ano, xee mi ne, mase maware mi.

¹¹ Ta kinio ne, kukã gu ome to okore bo, bopia aradze, maturi to mare bo fie bona kawekõ kukawẽ.

¹² Bosu bo momo arõ boto bobara karabara bonyo so iso. Si magbari bo ne, bootã kusekuse. Si mato mati bo kama i amumuho ori iso ne, bose bopia so katetere.

¹³ Si maturi otia bo ne, atõme wa loaxora situ bose boxere ma. Bookpese kayiiso aku kawirikõ gu ara wa loisile ipe i kinio.

¹⁴ Iide kunuare nto lopia mi i ara wa nto lotsere mi ngbe iso, xee oka loto mi le wũ mabi dõese awe.

¹⁵ Si miba nane maturi gbodzoo le mi marat-edze i kafokađe ame ne, ose owẽ saã kere ođe mi. Alaso i mi ngbã me ame miđe mawẽ ku Kristo ne, lookpese mi ose ala mme losu Itõme Bielea lobo mi.

¹⁶ Ne oso loto mi i kukpa so misuã wũ nsegbai.

¹⁷ Nnegbe oso nto loapia Timoteo go nde wũ obi dõese fie ose obara Bosate Karabara i onukuare ame ne. Oto ãanyigira mi Kristo ame ngbã me losi fie me nse lote mafoddedze odudu i kakoi biara ne.

¹⁸ Mi ndẽ mawẽ to makole so kato alaso mabu so loibaba mi kore mmõ lonya.

¹⁹ Si Bokɔse ɔbie ne, nto loaba loanya mi i ɔwi kurukutu ame. Nto loabie sɔ loanya ɔle gɔ mmamɔ ba gu atɔme wa mato maɣe.

²⁰ Alaso Ƴaa sigara idɛ na i akaɔɔde kunu ame, ɣee ipia i ɔle ame.

²¹ Be mito mibie? Loba mi kɔre ku kutsue ikpadzẽ eɛbere loba ku kuɔɔe gu isobue ame?

5

Misa Asɔrɔɔdedze Miɔi I Mi Mafɔɔdedze Ndẽ.

¹ Maturi to maɣe sɔ mi ndẽ mawẽ to mabara asɔrɔra wa lofe inyanyarĩ sɔ nane mma loide mafɔɔdedze iibabara wã igbã. Maɣere me sɔ ɔwẽ pia i mi ndẽ gɔ ɔto ɔregu ɔ ɔse ɔre.

² Be iti mito mite so? Ikote sɔ miabie. Fie ngo lobara ira negbe igbã ne, ipia sɔ miadi wũ mibɔregu i mafɔɔdedze ndẽ.

³ Atoa sɔ lodzorogu mi fie boito bonya so anɔ ne, lopia i mi kɔre i siwarã ame. Gɔ lopia i mi ndẽ ɔso ne, lootã ngo lobara ikpi negbe igbã ipɔ i

⁴ Bosate Yesu Kristo ɔle ame. Si misakanya ne, mitsue sɔ lopia i mi ndẽ i Siwarã ame fie Bosate ɔle ana pia i mi ndẽ.

⁵ Ikote sɔ miadi ngɔgbe mitã Ɖbosam ɔwɔra ɔ sosina ɣee ɔ siwarã aana idi ku iyi ne i Bosate Yesu aaba ɔaɣegu kayiiso atɔme.

⁶ Iikote sɔ miate so ɔduɔduɔ. Miiɣe sɔ inyagẽ kua kekeĩ gɔ mapia i mmɔre ame aatã mmɔre ɔduɔdu ɔnyagẽ?

⁷ Ne ɔso miɔi inyagẽ kua biara gɔ nde ikpi i mi ndẽ. Gbaã ne, mmɔre me loinyagẽ miɔe alaso

maoḍoe Kristo go nde bo Kukpi Otakuwara Bo Iyi Sere.

⁸ Ne oso ne, midaatã so boade bo Kukpi Otakuwara Bo Iyi boḍobodo kuere go ame i ikpi gu otile kurabara pia. Yee mitã boḍe mmöre me loinyagẽ i ara bololba ibara gu onukuare ixe ame bowũ.

⁹ I oko go lotsere mi ame ne, loxere mi so midaasakanya ku mma nse maḍe asorõ.

¹⁰ Yee ne, iide mma loide mafoddedze loto. Ma ne, mase maḍe asorõ, ma anõ se abe arete i maturi sikã iso, mase masu akpira mayu maturi, masore axo ana. Si mixe so miabese so i ma iso pelepele ne, ikote so miabore i kayi gagbe ame!

¹¹ Yee nne nto lotsere loxere mi nde ngo nde onyii foddedze fie oto oḍe asorõ, obebe anõ, osore axo xee orõ maturi ayere lalaa, orẽ ndã, oyu kayu ne, mibese so i õ iso. Midaadegu wũ nane adera.

¹²⁻¹³ Mma loide mafoddedze ne, ma atõme ixegu iide wũ karabara, xee yaa to õaxegu kayiiso atõme. Yee mma nde mafoddedze boaxegu atõme le kumego i Oko Sekelea oxe so, "Misa oturi lalaa midj i mi ndẽ."

6

Ikote So Mafoddedze Aaledza Ma Kerekere Ndẽ.

¹ Si mi ndẽ orere ona itõme gu õ olaa foddedze ne, iikote so õasu ne okelagu mma loide mafoddedze so maxe ne matã wũ. Yee mixe ne i mi kerekere ndẽ.

² Miixe so mafoddedze loaxegu kayiiso maturi atõme? Si mi loaxegu kayiiso maturi atõme ne,

be ɔso fie miibawo kutõmei kpɔlɔkɔi gɔ mpia i mi ndě ɔɣe?

³ Miiɣe sɔ bo mafɔɖedze loaxegu kato makpabo atõme? Ne ɔso ikote sɔ boawo atõme wiriwiria wa i ngbã ame ngbe ɔɣe.

⁴ Si itõme ɔba i mi ndě ne, be ɔso fie miibasus mikelɛgu mma bose boware i bo ndě sɔ maɣe matã bo fie boasus bokelɛgu kayiiso maturi sɔ maɣe ne?

⁵ Nto loɣere mi nnegbe sɔ kunuare si kukpẽ mi. Alasɔ bide ɔturi ɔwẽ saã pia i mi ndě gɔ ɔɖe nɔgbadze ðawo mi ndě atõme ɔɣe.

⁶ Ɏɣe ɔnyii fɔɖedze to ɔkɔ ð ɔnyii fɔɖedze ɔkelɛgu mma loiɖe mafɔɖedze sɔ maɣe ma atõme.

⁷ Sɔ mito mikɔ sɔ mikelɛgu atõmekaxekõ kerekere ɔɔte sɔ mi kafɔkaɖe ɔkuti. Be ɔso fie miibatã sɔ maɣere mi? Be ɔso fie miibatã sɔ maade mi amumu?

⁸ Ɏɣe mito miɣere sɔ, miɖe sɔ amumu.

⁹⁻¹⁰ Miiɣe sɔ maturi ma nse mabara ara wa loikote iibana kaɖekõ i Ɏaa sigarakaɖekõ? Mi-daatã masɔsola mi! Mma nse mabara ara lalaa, maɣɔsɔredze, mma nse maɖe asɔrõ marõgo ma nse maregu ma malaa ɣee marerẽ ma nse maregu ma marerẽ laa, mayukukpe ɣee mma anɔ nse abe i maturi ara iso, mma nse marẽ ndã, mma nse matia maturi ɣee mma nse mayu maturi I inɔgba ame iibana kaɖekõ i Ɏaa sigarakaɖekõ.

¹¹ Ngbo i mawẽ ɔse ku ɔwi gɔ lofe ne, Ɏɣe Bosate ɔɖi mi i mi akpi ame ɔpie mi ndu ɔbara mi sekelee ɔã Ɏaa iki i Yesu Kristo iyere ame.

Iki i ð gu ʒaa Siwarã oso ne, mi gu ʒaa ndẽ ka ilɛ.

Misu Mi Sosina Mirere ʒaa.

¹² Mi ndẽ mawẽ to miɣɛ sɔ, “Loba ori loabara ira biara.” Gbaã idɛ. ʒɛɛ ira biara iilegu-ɔ. Loawo ɔɣɛ sɔ, “Loba ori loabara ira biara.” ʒɛɛ iikote sɔ loatã kuirã ɔɔɛ me iso.

¹³ Ɖmama ana aaxɛ sɔ, “Aɔɛra oso mabara iyiri fiɛ iyiri oso maɔi aɔɛra.” Gbaã idɛ, ɣɛɛ ʒaa to ðatã sɔ wã ɔɔɔɔ ɔwi to ðaba ðafe. Iikote sɔ boasu bo sosina bobara asɔrɔra. ʒɛɛ boasu bobara ʒaa karabara fiɛ ʒaa aatã sosina ira biara nɛ lonya sɛ.

¹⁴ Kumɛɔ i ʒaa ɔtara Bosate ɔbɔɛgu i makpise ame ne, ɔto ðatara bo ana ku ð ɔle gomo.

¹⁵ Miiɣɛ sɔ mi sosina ne, Kristo sosina kakpakpai miɔɛ? Fiɛ iikote sɔ miasu Kristo sosina kakpai kukawẽ mimatãra i ngo losu asɔrɔra ɔbara ð karabara.

¹⁶ Miiɣɛ ana sɔ si ɔturi ɔɛgu ngomo igbã ne, ma gu wũ ɔɔkpese sosina siwẽ? Alaso Ɖko Sekelea ɔɣɛ sɔ, “Ma inyɔɔ aakpese sosina siwẽ.”

¹⁷ ʒɛɛ ngo losu so ɔmatãra i Bosate iso ne, ðɔbaragu wũ ɔwẽ i Siwarã ame.

¹⁸ Miɔi so miɔɛɛgu i asɔrɔra ame. Ikpi igbã biara nɛ ɔturi sɛ ɔbara ne, iise ibo i ð sosina ame. ʒɛɛ ngo nɛɛ ɔɔɛ asɔrɔ ne, ð sosina mɔmɔ ɔsɛ ɔsu ɔbara ikpi nɛmɔ.

¹⁹ Miiɣɛ sɔ mi siturina ndɛ isɔɛɛyo itã ʒaa Siwarã dze ɔsu ɔtã mi sɔ siwe i mi ame? Iisiɔɛ mi mba so.

²⁰ ʒaa ɔtã kuso siare i mi iti. Ne ɔso misu mi siturina miɔara ara wa loale ʒaa.

7

Ara Ite Isegu I Kuyiri Iso.

¹ I oko go mitsere me atome iso ne, lobie so loxere mi so si orere orere pia go oito obie so dayiri orogo ne, obara isee.

² Yee kumego i asora oyede oso ne, ikote so orere biara si owe o ore. Orogo biara ana si owe o ora.

³ Iikote so orere aase so oito ota o ore sire. Ngbo ame iikote so orogo ana aase so oito ota o ora sire ne. Mabara mata so kumego iakote ma obiara.

⁴ Alaso orogo siturina iide o momo onowe sire. Yee o ora ana sire siye. Ngbo ame i orere siturina ana iide o onowe sire ne. O ore ana ba ole i se iso.

⁵ Midaase so miito mita so sire ido owi go midji mise so miakparama kayi. Fie si ayi wa mise so miakparama kayi mmo oro ne, mikpese mise le kumego misi. Si mibara ngbo ne, Obosam iibana ori i mi iso ola mi onyo go miise miwo ode so iso.

⁶ Nnegbe iso ne, iide mmara mide loto lota mi, yee oka loto mi.

⁷ Gbaa ne, tee ibua ile si mi obiara se le me. Yee ne, obiara ku nne i Yaa ota wu. Owe ba karata kawee, omama ba kamama.

⁸ Mma loiyiri mara gu mare gu makuedze ne, lobie so loxere mi so ialegu mi ido si miyiri mara gu mare fie mise le kumego lose.

⁹ Yee si miibawo so ode iso ne, miyiri mara gu marogo si minyua otsue ala mi orakolo oso.

10 Marã gu mare ne, mmara me loto lotã ma ne, iide wũ momo mire miđe, ƣee Bosate mire miđe. Iikote so ɔrõgo aasẽ kurã.

11 Ƴee si ɔsẽ kurã ne, ɔse ñ ɔnɔwẽ ƣee ɔkpese ñabara mawẽ gu ñ ɔrã. Ngbo ame i ɔrerẽ kuwẽ si ɔdaasẽ ñ ore ne.

12 Ara tsora wagbe ne, mme ka nto loxere mi, iide Bosate mmara miđe. Si fɔɔɔɔɔze rerẽ yiri ɔrõgo go loiđe fɔɔɔɔɔze fie ɔrõgo ɔno karõ so ñase i kurã iyo ne, ɔrerẽ si ɔdaasẽ wũ.

13 Ngbo ame si ɔrõgo fɔɔɔɔɔze yiri ɔrerẽ go loiđe fɔɔɔɔɔze fie ɔrerẽ iibie so ñasẽ ñ ore ne, ɔrõgo si ɔdaasẽ wũ.

14 Alaso ɔrerẽ go loifo ɔɔɔ ne, Ƴaa to ñasekelera wũ iki i ñ ore go nde fɔɔɔɔɔze iso. Ngbo ame i Ƴaa to ñabara ɔrõgo go loifo ɔɔɔ sekelee ala ñ ɔrã go lofo ɔɔɔ ne. Si iide ngbo ne, ma mabi iito maase sekelee. Ƴee le kumego miye ne, Ƴaa se ɔbara mabi Sekelee.

15 Ƴee si ngo loiđe fɔɔɔɔɔze to ɔbie so ñasẽ fɔɔɔɔɔze ne, ñawo ɔrui faa. I ɔri ɔɔɔbe igbã iso ne, ɔrõgo fɔɔɔɔɔze ƣee ɔrerẽ fɔɔɔɔɔze ba ɔri ñabara nne ɔɔɔ. Ƴaa ɔkpere bo so bowe i isobue ame.

16 Fɔ ɔrõgo go fɔ nde fɔɔɔɔɔze ne, iawo ɔki i fɔ iso so aadi fɔ ɔrã go loiđe fɔɔɔɔɔze. Ngbo ame i fɔ ɔrerẽ ana ne, iawo ɔɔɔ so fɔ iso iaki i fɔ ɔre aana idi.

Ngbã Me Igbã I Bosate ɔbie So Bose.

17 Nne nse lote i mafɔɔɔɔɔze ɔɔɔɔɔ ndẽ nde so, ɔbiara si ɔse ngbã le kumego i Bosate ɔse fie si ɔse le kumego ɔse fie Ƴaa ɔkpere wũ.

18 Si ɔɔtu sirerẽ fiε Yaƚa ɔkpere-ɔ ne, fɔ ne ngbɔ. Si aitu sirerẽ fiε Yaƚa ɔkpere-ɔ ana ne, daaxε sɔ aatu sirerẽ.

19 Alaso si atu sirerẽ xee aitu ne, nnεmɔ iito kuira. Yεε kumεgɔ amɔẽ nne i Yaƚa ɔxere bo ato nde nne lonya idɔ.

20 Ne ɔso mi ɔbiara si ɔse kumεgɔ ɔse fiε Yaƚa ɔkpere wũ.

21 Si ɔsande aɔɔe atã ɔturi fiε Yaƚa ɔkpere-ɔ ne, idaada-ɔ. Yεε si ɔri pia sɔ aawo iseguso ɔfɔ ne, bara ne karabara.

22 Si ɔsande aɔɔe fiε Bosate ɔkpere-ɔ ne, ka aɔɔe ngɔ mba iwarã i Yaƚa ame. Ngɔ ana nsigu sɔ fiε Bosate ɔkpere wũ ne, ɔ wũ ɔɔkpese Bosate ɔsande.

23 Kuso siare i Yaƚa ɔtã i mi iti ne ɔso midaakpese sɔ maturi masande.

24 Manyii, mi ɔbiara si ɔse kumεgɔ ɔse fiε Yaƚa ɔkpere wũ.

Mi Adzuni Si Asia I Bosate Karabara Iso.

25 I nne mi kare i mma loiyiri marã gu mare iso ne, loifɔ mmara kumiwẽ lobɔregu i Bosate kɔre. Yεε i Bosate nnyainyɔ ne nsia me iso ne, wũ adzuni ngbe ne fiε miawo wã ɔsiai.

26 Wũ adzuni kanya ne, kumεgɔ i kayi to kawε ɔle ne, lofɔ loɔɔe sɔ ile sɔ ɔrerẽ aase sɔ ɔiyiri ɔrɔgo.

27 Si ayiri ɔrɔgo ne, daaxε sɔ ato asẽ wũ. Si ayiri ana ne, daaxε sɔ aabie ɔrɔgo ayiri.

28 Yεε si ayiri ɔrɔgo ne, aibara ikpi. Si ɔbite gɔ loiyiri kurã ɔse ɔayiri kurã ne, ɔibara ikpi kuiwẽ. Yεε lobie sɔ loɔi mi i inyewe ne mpia i kuyiri ame.

²⁹ Nne nto loyere mi nde so, owi go boba iisisi. Ita i kinio ne, mi ma nyiri marõgo si mise le mma loiyiri awe.

³⁰ Mma nto mabie ana si mase le mma i kuira iito. Mma nto mama ne, mase le mma loito mana isoõo. Mma nto maya ara ne, mabara le ara wa maya iide ma momo are.

³¹ Mma nto mabie kayi gagbe karana odudu so kakpese ma kare si madaasu ma oriinyo masia i karana iso. Alaso kayi gagbe karana iibase daa i owi go nto oba ame.

³² Loito lobie so mimararã so i kuira iso. Alaso orerẽ go loiyiri orõgo se osu õ adzuni osia i Bosate karabara iso fie ose obie so õabo wũ ano.

³³ Yee ngo nyiri orõgo ne, õ adzuni se asia i kayiiso ara iso. Ose obie so õabara nne loaxo õ ore kayiri.

³⁴ Ne oso ne, ose owe i ara ka anyo nde. Ngbo ame i obite go loiyiri kurã ne, ose osu õ adzuni osia i Yaa karabara iso, õ siwarã gu sosina odudu. Yee orõgo go nyiri kurã ne, ose osu õ adzuni osia i kayiiso ara iso, alaso ose obie so õabo õ ora ano.

³⁵ Lobie so loabuai mi oso nto loye ara wagbe. Loito lobie so lonyi mi ku mmara kumiwẽ. Mise ngbã i ori tãrãra iso si miawo so osu otã Yaa pelepele ku mi situ odudu.

³⁶ Si orerẽ orere okare orõgo fie onya so õibawo ode so iso le kumego obu ne, mayiri so faa. Maibara ikpi.

³⁷ Yee orerẽ go i kuira iito idaa fie onyo so õawo ode so iso ne, õawo ose so õito oyiri orõgo. Orerẽ gogbe ana obara isee.

³⁸ Ne ɔso ɔrɛrɛ gɔ loyiri ɔrɔ̄go ne, ɔbara isɛɛ. Ƴɛɛ ngo loiyiri ɔrɔ̄go ɔbara isɛɛ ɔɔɔ.

³⁹ Ƴrɔ̄go gɔ nyiri kurā ne, ɔna ɔri ɔyiri kurā mama ku ɔwi gɔ i ɔ̄ ɔrā kuere si ngbā. Si ɔ̄ ɔrā gɔmɔ ɔkpi ne, ɔ̄awo kurā mama ɔyiri si ɔbie. Ƴɛɛ ɔrɛrɛ gɔ ɔ̄ayiri si ɔɔɔ fɔɔɔɔɔ.

⁴⁰ Ƴɛɛ i wū adzuni kanya ne, si ɔsɛ ɔ̄isiyiri kurā ne, ngbā aawe wū ɔmɛrɛ miɔɔ. Wū adzuni aɔɔ nge, Ƴɛɛ lofɔ loɔɔ sɔ Ƴaa Siwarā pia i wū ame mme wū.

8

Kuka I Aɔɔera Wa Masu Masɔɔre Aɔɔ Iso

¹ Kinio ne, lobie sɔ loɔere mi ira i araɔɔa wa masu masɔɔre aɔɔ iso. Boɔe sɔ bo ɔɔɔɔɔ ba iwola, fie boɔe ana sɔ iwola sɛ itā ɔturi ɔkɔle sɔ kato. Ƴɛɛ kuɔɔe ne, ɔle kuse kupia ɔturi.

² Ƴbiara gɔ lobu sɔ ɔɔe ara ne, ɔtsue sɔ ɔ̄itsue ɔro pelepele.

³ Ƴɛɛ ngo nse ɔɔɔe Ƴaa ne, Ƴaa ɔe wū.

⁴ Nne loto loɔere mi i araɔɔa wa masu masɔɔre aɔɔ iɔɔ iso ne, boɔe sɔ aɔɔ kuawɛ na i kayiiso fie boɔe ana sɔ maɔaa kumawɛ ana na, Ƴaa ɔwɛ saā ɔɔɔ mpia.

⁵ Ƴɛɛ sɔ maturi sɛ maɔe sɔ aɔɔ gu masate pia i kato ɔe karɔ nge fie aɔɔ wagbe ɔsi gbodzoo ana ne,

⁶ bo boɔe sɔ Ƴaa ɔwɛ saā mpia. Ƴ̄ nɔɔ Ƴse gɔ lobara ara ɔɔɔɔɔ fie ɔ̄ bosɔ ngbā botā. Sate ɔwɛ saā gɔ mpia nɔɔ Yesu Kristo gɔ iso i Ƴaa ɔki ɔbara ara ɔɔɔɔɔ fie ɔ̄ iso iki bosɔ ngbā.

⁷ Iiɔɔ ɔbiara nɔe ɔnukuare gɔgbe. Ara wa i maturi ɔɔi mase mato masɔɔre ne, si maɔɔ aɔɔera

wa masu masore wã ne, mase mabu so aɔo aɔera aɔe. Ma kaɔere ga nna ole se katã ma ipo so maopukutura so i aɔera wa maɔe oso.

⁸ Iiɔe aɔera loatã so bo gu ɔaa inyo ndẽ aanina. Fie iito kuira si boiɔe ara wamo. Ngbo ame boibana kuira si boɔe ara wamo ana ne.

⁹ ɔee minyo kukaako so mi iseguso ne ame mipia iibako ngo kafokaɔe nna ole ipia i ikpi ame.

¹⁰ Bu nyo so si ngo kafokaɔe nna ole onya fo go fo mba ole i kafokaɔe ame to aɔe ara i kuɔo iyo ne, nda iabara wũ? ɔabu so ã wũ ãawo aɔera ose aade i kuɔo iyo ame mmo faa.

¹¹ Ne oso ne, fo onyii go iti i Kristo okpi fie ã kafokaɔe na ole to ɔayu ala nne abara i fo iwola iti.

¹² I ori goɔbe iso ne, ato aɔere Kristo so atã manyii foɔɔe ma kafokaɔe nna ole to maana imararãso i ma situ ame.

¹³ Ne oso si wũ aɔera atã wũ onyii obara ikpi ne, loibaɔe aɔera wa masu masore aɔo lonya so iibatã wũ onyii obo i ikpi ame.

9

Katõmesedze Ole Gu ɔ Karabara

¹ Iiɔe oturi go nsigu so loɔe ɔee? Iiɔe Bosate Yesu Katõmesedze nde? Loinya Yesu go nde Bosate? Fie iiɔe mi nde wũ karabara ga lobara lotã Bosate kusia deakatõ?

² Si mawẽ iibafo me le Bosate Katõmesedze awe ne, mi mifo me ngbo. Mi momo nde ikpari ne loate so Bosate Katõmesedze loɔe.

³ Si maturi to mabie so maakpadzẽgu me atõme ne, nnegbe loadji so ala kanya ne.

⁴ I bo karabara kanya ne, boba ori so maatã bo oðe gu onẽ.

⁵ Bo wũ boba ori so boako bo mare fõdẽdze bõsegu le katõmemasẽdze tsõra gu Bosate manyi-ibi gu Petro awe.

⁶ Eẽbere mme gu Barnaba onõwẽ saã loabara karabara bonyo so iso?

⁷ Kpakpẽdze biara ana se ofo kuso obõregu i õ karabara ame. Fie Kpẽdze biara ana ba ori so õaðe õ kakpekõ ame araðea. Maboi kodze biara ana ba ori so õane õ maboi inyedu.

⁸ Iiðe ara wa i maturi to maɣe oso kere nto loɣe ngbo. Ƴee ngbo i mmara ote ne.

⁹ Boka i Mose oko ame so, “Boi go nse okpẽ otã-o ne, daanyi wũ kanya.” Ƴee ne, iiðe maboi iso i Ƴaa to oðe ika.

¹⁰ Bo iso i Ƴaa oɣe itõme nemõ. Ngbo ame i kpẽdze go nse ope oraɖui gu ngo nse osõrẽ obõ kaa ne, ma inyoo se manyo ori so maana kaðekõ i oraɖui gõmõ ame.

¹¹ Bõpe siwarã ame oraɖui i mi ame. Ne oso si mitã bo sosina ame ara ne, iinina kuira.

¹² Si maturi mama to mana kusia gõgbe igbã i mi iso ne, iikote so bo wũ boana ngo losi kuðo? Ƴee so boba ori gõgbe ne, boisu bobara kuira. Bosu ira biara bosia so iso so boibasõ kuira botẽra Kristo Itõme Bielea ori kukakõi.

¹³ Miɣe kukaako so mma nse mabara karabara i Ƴaa isõreyo ne, mmõ mase mafõ ma araðea mabõregu. Fie mma nse mafẽ ara matã Ƴaa i

isorekasege iso ne, mmɔ mase mafɔ ma adɛra mabɔreɣu.

¹⁴ Ngbo ame kere i Bosate otã so mma nse mapɛ Itõme Bielea imomo ne, itõme nemo iɣe ame maade ara maɗi.

¹⁵ Atoa so loba ori gɔgbe ne, loibara ã karabara. Loito lotsere mi oko gɔgbe so si lowanyi mi nne nde wũ okpe. Si lokpi kɔra ne, ile me ido so oturi aanyo ira ne iso loawo ndamu oɗe pupurii.

¹⁶ Nna ori loakole so kato i Itõme Bielea ne loto loɣe iso. Ndzo miɗe mitã me si losẽ so loito loɣe Ƴaa itõme!

¹⁷ Si lobara wũ karabara ku otu ɣɔa ne, iyo loanyo ori lotã kuso ifo. Ƴee ne, loto lobara kã ala Bosate lopia me so lobara fie Ƴaa loyedza me i kã kanya.

¹⁸ Mme kuso loafo iyo? Wũ kuso nde so loaye Itõme Bielea nemo kere. Fie loibara ole go loba karabara lotã wũ kusia.

¹⁹ Oturi go nsigu so loɗe fie lona i kuwẽ kayirino. Ƴee lobara so obiara oɗabo so loawo maturi gbodzoo oko obo Bosate kɔre.

²⁰ Owi go loto lobara karabara i ma Yudase nde ne, lose ngbã le o Yudase awe so loawo ma oɗi otã Bosate. Ƴee so lona i Mose mmara kayirino ne, lose le ngo nse obara i mmara iso so si loawo ma okpadzẽ obo Bosate kɔre.

²¹ Ngbo ame lobara i mma loiɗe ma Yudase nde ne. Loise lobara i ma Yudase mmara iso so si loawo ma oɗi otã Bosate. Nnegbe iite so lota loɣe i Ƴaa mmara iso. Alaso gbaã ne, Kristo mmara iso nto loɗe.

22 Si lopia i mma kafɔkaɔe nna ole ndě ne, lose lobara so le ma awe so loawo ma ɔkpadzě ɔbo Bosate. Ne ɔso nse lokpesera so ira biara lotā maturi ɔduɔdu i ɔri biara iso so si loawo mawě ɔɔi ɔtā Bosate.

23 Itōme Bielea ɔso lobara nwigbe ɔduɔdu so loana isoɔɔ ne mpia i karabara ame.

24 Miye sekelee so si mato matere ise ne, maturi gbodzoo nse matere, ɣee ɔwě saã pe nse ɔɔe iso. Ne ɔso mitere ise so miade iso mifo ikoto.

25 Ɔbiara go nse ɔtere ise ne, ɔse ɔfo ikpadzě so si ɔade iso. Ikoto ne mase fo ne, iise ise dzoroo fie ise inina. Ƴee bo ne, boaledza so botā ikoto ne loise inina inya.

26 Nnegbe ɔso nse lotere tororo so loadae iwěi ne. Ne ɔso ana lose le ngo nse ɔkpě imami ɣee loise lope akama i ɔwiri ame ne.

27 Nse lotā wū sosina ɔfo akama gbodzoo so loabɔsě karō. Alaso si loyere maturi Itōme Bielea fie mafiniki ne, loito lobie so maayere me i kawirikō so loikote.

10

Paulo Ɔtā Mmara I Aɣɔ Isɔre Iso.

1 Wū manyii, lobie so mianyigi ara wa loba i bo mawa ma losiai Mose iso. Idodo ɔsegu ma, iko ma ɔduɔdu fie maki i Ɔpo Retea ndě mafe.

2 Ƴaa ɔsu idodo gu Ɔpo Retea ɔbara Ƴaa itupie kubarara ɔtā ma le Mose masiaidze awe.

3 Ma ɔduɔdu ɔɔe Siwarā ame aradea awě saã.

4 Fie manɛ Siwarā ame ndu miwě saã memɔ. Manɛ ndu me lobɔre i Siwarā ame ita ne losiai ma ame. Ita nemɔ nde Kristo momɔ ne.

⁵ Ɔwi gɔmɔ ame kɔra ne, so iixɔ Ƴaa i ma mawẽ iso ala ma nsegbai ɔso. Ne ɔso ne, makpi i fafuĩ ame.

⁶ Nwagbe ɔɖuɖu ɖe ara isuã si ite bo so ara wa nse abɔ ikpi si adaakpẽ bo ɔkã le ma awe,

⁷ ɣee bosu so botã aɣɔsɔrera le ma awe. Ɔko Sekelea ɔɣe sɔ, “Maturi ɔba maasakanya sɔ mato mapia so isoxɔ, ɣee ma isoxɔ ɔba iakpese itarẽ gu asɔrɔ̃ idɛ kato.”

⁸ Iikote sɔ boadɛ asɔrɔ̃ kumegɔ mabara fie i iyi iwẽ saã iso ne, maturi kukpi sinyɔ ite ɔkpi.

⁹ Midaatã bola Bosate bonyɔ le kumegɔ mabara fie maɣe ɔɖoɖo ma makpi.

¹⁰ Fie midaatã bota boya Ƴaa iso le kumegɔ i ma mawẽ ɔbara fie Ƴaa Kpabo go nto kukpi ɔle ɔwɔra ma.

¹¹ Ara wagbe ɔɖuɖu ɔba ma iso si iadɛ ara isuã itã maturi. Matsere wã maɣe ana sɔ si boasu boka so alaso kayiiso kawirikɔ̃ ɔwi ame bopia kinio.

¹² Ɔbiara go nse ɔbu sɔ ɔɣe teteree ne, ɔnyɔ kukaako sɔ ɔibabɔre ɔrɔ̃.

¹³ Ilainyɔ igbã biara ne loɔba mi iso ne, ne ame kere nse iba i ɔturi biara iso ne. Ƴee Ƴaa se ɔbara i ɔ̃ itɔme iso sɔ ɔibatã ilainyɔ ɔwe ɔle idɔ fɔ kafɔkadɛ. Fie ana ne, Ƴaa to ɔatã-ɔ ɔle sɔ aawo ɔya teteree fie ɔate-ɔ ɔri go iso aaki fie aabɔre i ne ame.

¹⁴ Ne ɔso ne, wũ manyii, midji so mibɔregu i iɣɔsɔre ame.

¹⁵ Nto loka mi le manɔgbadze awe, ne ɔso mi mɔmɔ mikere ara wa nto loɣere mi minyɔ.

¹⁶ Ikɔi ne bɔse bɔse ala ɔpɔrɔ̃ katɔ̃ fie bɔse bɔpe Ƴaa siba i ne iti ne, si bonɛ ara i ne ame ne, iɣe itã

Bosate ima. Fie boḍobodo gɔ bose boḍe i ɔporɔ̃ katɔ̃ ana ne, ɔɣe ɔtã Bosate sosina.

¹⁷ Atoa sɔ bosu gɔdzoo ne, gɔ boḍobodo ikuri iwẽ i bo ɔduɔ sɛ boḍe ɔso ne sosina siwẽ ka boḍe.

¹⁸ Mibu Israel mabi minyɔ. Mma nse maḍe ara wa masu masɔre ɣaa ne, maɔbara mawẽ ku ɣaa i ma isɔre ame.

¹⁹ Be ɔso nto loɣe ngbo? Ɔɣe loto sɔ aɣɔ wa mapɔ ɣee ara wa masu masɔre wã ne, ira iwẽ ide?

²⁰ Ooɣo! Nne loto loɣere mi nde sɔ, ara wa mase masu masɔre aɣɔ ne, siwarã lalaa side masu wã matã, iide ɣaa. Fie loito lobie sɔ mide kulaa ku siwarã lalaa kusiwẽ.

²¹ Iile sɔ miane mibɔregu i Bosate ikɔi ame miledza ine ibɔregu i siwarã lalaa ana ikɔi ame. Iikote sɔ miade ara i Bosate ɔporɔ̃ katɔ̃ i isɔreyo mise mialedza aradea ide i siwarã lalaa kasɔrekɔ̃ ana.

²² Eɛberɛ obie boto sɔ Bosate si ɔna sikipã okpẽ sirere? Bofɔ boḍe sɔ boba ɔle boḍo wũ?

²³ Bose boɣe sɔ, “Ɔri pia sɔ boabara ira biara.” Gbaã ide. Ɏɛɛ iide ira biara nɛ. Ɔri pia sɔ boabara ira biara, ɣɛɛ iide ira biara nde kusia itã bo.

²⁴ Fɔḍedze kuwẽ si ɔdaabie ð ɔnɔwẽ saã okpɛ, ɣɛɛ obie nne loakote ð malaa.

²⁵ Aba ɔri aaya sina igbã biara dze mato marɔḍẽ aḍe. Ɏɛɛ iikote sɔ ala ɔkare sɔ sina sekelea side eɛberɛ kuɣɔ masu masɔre.

²⁶ Alaso Ɔko Sekelea ɔɣe sɔ, “Kayi gu kã ara ɔduɔ wa mpia i kã ame ne, Bosate mba.”

²⁷ Si ngo loide fɔdɔdze ɔkpere-ɔ sɔ ba dɛgu wũ ara fie atɔrã sɔ aase ne, ibiara ne ɔtã-ɔ sɔ dɛ ne, dɛ ɣɛɛ daakare anɔ sɔ isekele ɛɛberɛ iisekele.

²⁸ Ƴɛɛ si ɔrere ɔɣere-ɔ sɔ kuɣɔ masu aɔera wamɔ masɔre ala ne, daaɔe. Si iide ngbɔ ne, kaɣere to kaadɔaa ngɔmɔ.

²⁹ Iide fɔ go fɔ loɔe ara wamɔ i kaɣere aɔaa. Ƴɛɛ ngo lonya-ɔ fie ɔɣere-ɔ i kaɣere aɔaa. Ɔrere aawo ɔkare sɔ, “Si loba ɔri loabara irere ne, be ɔso fie ɔturi mama kaɣere ɔso ne, loanyua ɔbara?”

³⁰ Si lope Ƴaa siba i araɔea wa ɔtã me iti ne, be ɔso fie ɔmama aabu sɔ loɣere wũ i wã iti go loɔpe Ƴaa siba?”

³¹ Ƴɛɛ i bo ɔɔe gu ɔne ame ne, ikote sɔ boabara wã ɔɔudu botã Ƴaa iyere kato ikɔɛ.

³² Midaabara kuira ne loatẽ ma Yudase ɣee mma loide ma Yudase ɣee mafɔdɔdze Ƴaa kɔre ɔri.

³³ Mibara le kumego nse lobara wũ ira biara fie loise lota loya kuwẽ iso. Loise lobie wũ ɔnɔwẽ saã ɔkpe, ɣɛɛ nne loabara fie iaɔe isɛɛ itã ɔbiara idi.

11

¹ Misore wũ nsegbai le kumego mme wũ nto losore Kristo nsegbai.

Kristo Nɔe Ɔturi Biara Iti.

² Nse lole mi alaso mise minyigi me ɔwi biara ame fie mise minyigi ara wa lote mi. Mito mibara i wã iso ɔwi biara.

³ Ƴɛɛ loto lobie sɔ minɔ karɔ kukaako sɔ ne, Kristo nɔe ɔturi biara iti. Ɔrerẽ nɔe ɔ ɔre iti fie Ƴaa nɔe Kristo iti.

⁴ Ne ɔso ɔrerẽ go nse okparama kayi xee ɔpe Yaa itõme imomo i Yaa iyo fie ɔsu ira ofu so iti ne, ɔto ɔpia Kristo kunuare.

⁵ Ɔrõgo go ana nse okparama kayi xee ɔpe Yaa itõme imomo i Yaa iyo fie ãinyi ɖuku iti ne, ɔto ɔpia ã ɔrã kunuare. Ikpaki kuiwẽ na i ã gu ngo lokparẽ ã iti ndẽ.

⁶ Si ɔrõgo ɔrere so ãibanyi ɖuku iti ne, iyo ɔmɔẽ okpariẽ. Fie si iti ikparẽ se ibo ɔrõgo ano karõ ne, iyo ɔnyi ɖuku iti.

⁷ Ɔrerẽ xee ne, iikote so ãasu kaira ofu iti ala Yaa ɔbara wũ le kumego ɔse. Ɔ nse ɔɖi Yaa kuware ɔte ne. Fie ɔrõgo ana se ɔɖi ɔrerẽ kuware ɔte.

⁸ Alaso karõkasekõ ne, iide ɔrõgo i Yaa ɔɖe katõ ɔbara. Xee ne, ɔbara ɔrõgo ɔboregu i ɔrerẽ ame.

⁹ Iide ɔrõgo ɔso fie Yaa ɔbara ɔrerẽ. Xee ɔrerẽ iso i Yaa ɔbara ɔrõgo.

¹⁰ Kato makpabo ɔso ne, ikote so ɔrõgo aasu ɖuku ɔnyi iti si ɔte so ɔpia i ã ɔrã kayirino.

¹¹ Atoa so ise ngbo ne, mafɔɖedze ma nde mawẽ ku Kristo kase iise ngbo. Ɔrõgo iisigu so fie ɔrerẽ ana iisigu so.

¹² Alaso kumego mabara ɔrõgo maɖi i ɔrerẽ ame ne, ngbo ame i ɔrõgo ana se ɔxe ɔrerẽ ne, xee ara ɔɖuɖu ne, Yaa kore abore.

¹³ Mi mɔmɔ minyo si ikote so ɔrõgo aaya okparama kayi so ãifu so ara iti?

¹⁴ Ngbã mɔmɔ kora ɔte bo so iile so ɔrerẽ iti aafe iyi. Si ɔrerẽ iti ɔyi kpiti ne, ka ise ikpẽ wũ kunuare.

24 Gɔ ɔpɛ ʒaa siba ne, ɔbɛsɛ boɔɔboɔɔ ɔɔɛ sɔ, “Wũ siturina dze losu losɔɛ ʒaa lotã mi ngbe ne. Mifɔ midɛ si misu minyigi me.”

25 Ngbo ame gɔ maɔɛ ara maro ne, ɔsu ikɔi, ne ɔɔɛ sɔ, “Ikɔi nɛgbe ndɛ nne i ʒaa ɔsu ɔto ɔnyigu mi kanya ɔɛɛ ga wũ ima ndɛ ikparĩ ne. Ɔwi biara gɔ miane ne, misu minyigi me ala.”

26 Nnɛgbe ɔɛ sɔ ɔwi biara gɔ miɔɛ ɔɛɛ miane i ikɔi nɛgbe ame ne, mito mikama Bosate kukpi gbɔgbɔɔgbɔ ɔwi gɔ ɔãledza iba.

27 Ne ɔso ɔbiara gɔ nse ɔɔɛ Bosate aɔɛra wagbe ɔɛɛ ɔɛɛ i ikɔi nɛgbe ame i ɔri gɔ loikote iso ne, ɔɔɛ ipɔ ala ɔiware Bosate siturina gu ɔ ima.

28 Ne ɔso ɔbiara si ɔbo so ame kukaako fie ɔãɔɛ boɔɔboɔɔ gɔgbɛ fie ɔãɛɛ i Bosate ikɔi nɛgbe ame.

29 Alaso ngo loise ɔware Bosate Siturina fie ɔɛɛ ɔɔɛ boɔɔboɔɔ gɔgbɛ ɔɛɛ ɔɛɛ i ikɔi nɛgbe kanya ne, ɔɛɛ ɔɔɛ, ɔɛɛ atɔme iɔɛ ɔã sɔ.

30 Ne lotã sɔ gbodzoo i mi ndɛ to manyɛ, somina na ma ɔɛ, fie mawɛ ana ɔɔkpi ne.

31 Si bobo so ame kukaako bokpa so ne, ʒaa iibaɔɔɛgu bo atɔme.

32 ʒɛɛ si Bosate ɔɔɛgu bo atɔme fie ɔkpadzɛ bo kutsue ne, iyo ʒaa iibawɔra bo gu mma loide mafɔɔɔɔɔɔ.

33 Ne ɔso ne manyii, si misakanya sɔ mito miba miɔɛ Bosate aɔɛra ne, miya misia so.

34 Si kukã to ɔrere ne, ɔɔɛ ara i ɔ iyo sɔ ʒaa iibaɔɔɛgu mi atɔme ɛ ikuri awe. Si looba ne, loaka mi i ara tsɔra iso.

Paulo Ɔɔɔe Ika I Siwarã Ame Karatã Iso

¹ Kinio ne wũ manyii, i ɔko go mitsere me i Ƴaa Siwarã karatã iso ne, loito lobie so kuira aawere mi.

² Miye so ɔwi go miɔe maɔsɔredze ne, mitã ara wa nna ngbã ɔɔe mi iso fie abara karabara i mi iso.

³ Ne ɔso lobie so mitsue so ɔbiara go i Ƴaa Siwarã to siɔe iso iibawo ɔɔe so, “Sigbarĩ si siba i Yesu iso.” Ngbo ame ana i kuwẽ iibawo ɔɔe so, “Yesu nde Bosate,” si Siwarã Bielea iito siɔe wũ iso ne.

⁴ Siwarã karatã gbodzoo pia, ɔee Siwarã siwẽ saã siɔe lotã kã.

⁵ Bose bobara Ƴaa karabara i siri agbãagbã iso, ɔee Bosate ɔwẽ saã karabara boto bobara.

⁶ Karabara agbãagbã ana pia, ɔee Ƴaa gomɔ ame nse ɔtã ɔle fie maabara kã ne.

⁷ Karatã biara ga i ɔrere ba ne, Ƴaa Siwarã lotã wũ so ɔsu ɔbara karabara ɔtã maturi ɔɔuɔu kusia.

⁸ Ƴaa Siwarã ɔtã ɔwẽ iwola ne loatã so ɔawo maturi ika ɔɔe. Ɔmama ana ne, Siwarã ɔtã wũ inogba ne ɔaɔe ala maturi ika fie maano karõ.

⁹ Ɔmama ana ba kafokaɔe siare iki i Siwarã dzemo ame ame. Fie ɔmama ne, Siwarã dzemo ame ɔtã wũ sinye isa karatã.

¹⁰ Siwarã se sitã ɔwẽ ɔle so ɔabara awawãra, ɔmama ne, Ƴaa itõme iye, ɔmama ana ne, Siwarã agbãagbã itsue idi ite. Fie ɔmama ɔ wũ ne, siɔe agbãagbã iye. Ɔmama ana ne, siɔe agbãagbã karõ idi.

¹¹ Ara wagbe ɔɖuɖu ne, ʏaa Siwarã siwẽ saã dzemɔ karabara kaɖe. Sise siɣe maturi karatã le kumegɔ sibile.

¹² Kuturidziri ɖe kuwẽ ɣee ngoi agbãagbã pia i kɔ̃ iso. Ngbɔ ame i Kristo ɖe ɔwẽ ne, ɣee ɔba ngoi agbãagbã.

¹³ Maki i Siwarã siwẽ saã ame mabara bo kuturidziri kuwẽ. Ɔ Yudase aɖe o-o, aɖe ɔ Yudase o-o, ɔsande aɖe o-o, asigu so o-o, bo ɔɖuɖu ʏaa itupie kubarara kuwẽ gɔmɔ ame i Siwarã ɔtã bo ne. Siwarã siwẽ saã dzemɔ ame ndu masu matã bo bone ne.

¹⁴ Kuturidziri ne, kuide ira iwẽ kere. ʏee ara agbãagbã losakanya abara kuturidziri.

¹⁵ Si kukpa ɔɣe sɔ, “Gɔ iide korɔ loɖe ɔso ne, loide kuturidziri kakpai ne, iyo kukpa iisibua i kuturidziri iso?”

¹⁶ Fie si kutsue ana ɔɣe sɔ, “Gɔ iide me nde inɔmi ɔso ne, loisibua i kuturidziri iso” ne, iite sɔ kutsue iisimatã i kuturidziri iso?

¹⁷ Si kuturidziri ɔɖuɖu ne inɔmi kuɖe ne, nda kuabara fie kuanɔ ara? Si kutsue ana kere ana kuɖe ne, nda kuabara fie kuasu ara ofiã?

¹⁸ ʏee si bokarã inɔ ne, boanya sɔ ʏaa ɔsu sosina ira biara ɔmatãra i ngbego ɔɖɔe sɔ iwe.

¹⁹ Si kuturidziri ɔɖuɖu ne, ira ka iwẽ kere ide ne, nda iase?

²⁰ ʏee le kumegɔ boɔnya ne, ɔturi iso ara ɔsi, ɣee kuturidziri ɖe kuwẽ.

²¹ Ne ɔso inɔmi iibawo korɔ ɔɣere sɔ, “Loito lobie-ɔ i wũ kuira ame.” Iti ana iibawo kukpa ɔɣere sɔ, “Ainya me i kuira ame.”

²² Kuturidziri ngoi me lonyɔ ɣekpɛɛ miɖo ne, si mina boibawo kuira ɔbara.

23 Ngõi me boise boware ne, me kora bose bodzuẽ kukaako boḁo ne. Fie ngõi me loikote so boadi bosõ i oḁbami ne, bose bokola me kukaako.

24 Boise bobara ngbo botã ngõi me nto mile onyo. Yee Yaa ofinikira nrõõ i kuturidziri iso so bose boware ngõi me nna ole boḁo.

25 Obara ngbo so si iḁeḁeso iibawe i kuturidziri ame, yee kakoi biara aaware kã olaa.

26 Fie si kuturidziri kakoi kawẽ to kanya ibo ne, sosina oḁuḁu se sinya ibo. Ngbo ame si male kakoi kawẽ ne, ngõi tsora oḁuḁu se mina isoxo.

27 Ne oso mi oḁuḁu mamatã i Kristo kuturidziri iso fie boḁe õ sosina ngõi iwẽ iwẽ.

28 I mafoddedze ikuri ame ne, Yaa osu bo oḁuḁu osia i ngbego lokote bo. Ma deakatõ nde katõmemasẽdze, manyoa nde Yaa kanyamadidze, mateare nde maratedze, iyo mma nse mabara awawãra fie mma mba sinye isa ole, iyo mabuaidze, iyo matõdedze gu mma nse maḁe siḁe agbãagbã ana.

29 Iide maturi oḁuḁu nde katõmemasẽdze yee kanyamadidze yee maratedze. Ngbo ame iide obiara mba ole go õasu obara ala awawãra ne.

30 Iide obiara mba ole go mase masu masa sinye yee maḁe siḁe agbãagbã yee maḁi ara wa maḁe karõ.

31 Ne oso misu mi situ misia i karatã ga lokole kato kaḁo iso.

Kiniõ ne, loate mi nne lonya ido wã oḁuḁu.

13

Nne I Kuḁe De.

¹ Si loawo side agbāagbā wa i maturi gu Ḳaa makpabo ɔɔɔɔ se maḡe ɔḡe fie loise loɔɔe maturi ne, wū kutsue iḡe ɔɔɔɔ ne, siefe kere ide le ipoodze mato masa.

² Si loawo Ḳaa kanya ɔɔi fie loano awerera karō, loba inogba ɔɔɔɔ fie loba kafokade ga loawo abe ɔrui fie lona kuɔɔe ne, loide kuira.

³ Si losu wū karana ɔɔɔɔ lotā mawereba fie lotā matsuedza me ḡee lona kuɔɔe lotā maturi ne, loide kuira.

⁴ Kuɔɔe se kuḡara so, kuba kayiribielea. Kuisse kubebe ano, kuisse kukole so kato, kuisse kuɔe ndamu.

⁵ Kuɔɔe na atsuele, kuisse kubie kō ɔnoḡe saā ɔkre, kuisse kuna sikipā malamala. Kuɔɔe iise kumōe akpi kupia i ɔtu ame dzoroo.

⁶ Kuisse kuna isoḡo i ikpi iso. Ḳee so se siḡo kō i isee iso.

⁷ Kuɔɔe se kufo ira biara pōkōso, nroō iise mifē kō i ɔriinyo gu kafokade ame, kuɔɔe ba ɔdzini.

⁸ Kuɔɔe na kawirikō. Ḳaa kanya idj to iafe, side agbāagbā iḡe to iafe, fie inogba ana ɔwi to ɔafe.

⁹ Alaso inogba gu kanya idj karatā ga i Ḳaa ɔtā bo ne, iiro ɔyi.

¹⁰ ɔwi ḡo i nne loyi iro aaba ne, iyo nne loiro ɔyi ɔwi to ɔafe.

¹¹ ɔwi ḡo loɔe ɔbiete ne, loɔe ika le ɔbiete awe, lobu iti ame le ɔbiete fie wū ara karō ino ana ɔse le ɔbiete. Ḳee kiniɔ ḡo loomɔ ne, loonyua sibiete ɔwi ara lose ala ana me kusia.

¹² Ara wa boto bonyo kiniɔ ne, boto bonya furufuru le aḡoḡe ame boto bonyo. Kama kama

ne, boto boanya ara anɔ ku anɔ. Ara wa loxe kinio ne, aiyi pelepele xee kama kama ne, nto loatsue wã kukaako le kumegɔ ame i Yaa xe me kukaako.

¹³ Ne ɔso ne, ara ka ate ade mpia. Wã nde kafokade, oriinyɔ gu kudɔe. Yee nne lomɔ idɔ i wã ɔduɔu ame nde kudɔe.

14

Ara Ite I Siwarã Ame Karatã Mama Iso.

¹ Ne ɔso kudɔe si kude nne miatere misiai midɔ, xee mibie siwarã ame karatã mama ana titirio Yaa itõme kanya idj.

² Ngo nse ɔxe side agbãagbã ne, iide maturi ɔto ɔdegu ika xee Yaa ɔto. Alaso kuwẽ iise ɔno karõ, xee ɔto ɔxe ara werea iki i Siwarã Bielea ɔle ame.

³ Yee ngo nse ɔdj Yaa itõme kanya ɔtã maturi ne, ɔse ɔbuai ma so maamo, ɔpia ma ɔle gu kaɔra.

⁴ Ngo nto ɔxe side dze i kuwẽ iito ɔno karõ ne, ñ kere nto ɔbuai so. Yee ɔturi go nse ɔxe Yaa itõme ne, ɔse ɔbuai mafɔdedze ikuri ɔduɔu.

⁵ Ito me ɔkã so mi ɔduɔu aawo side agbãagbã ɔxe. Yee si miawo Yaa itõme kanya ɔdj ɔtã maturi ne, iawe me ɔmerẽ ibua. Alaso ngo nse ɔdj Yaa itõme kanya ɔtã maturi ne, ɔba kusia ɔɔo ngo nse ɔxe side agbãagbã, xee si ɔrere pia go ɔawo ara wa ɔto ɔxe karõ ɔdj ne, iyo mafɔdedze ikuri to iana katõ ise.

⁶ Ne ɔso ne, wũ manyii, si loba mi kɔre fie nto loxe side agbãagbã dze miito mino karõ ne, mme kusia miana midj i ne ame? Yee si loba ku Yaa

idj ite irere ɣee inogba irere ɣee ʏaa itōme irere ɣee ara ite irere ne, iade mi kusia.

⁷ Ngbo ame ise i kadadã gu osango go ame ngbã na ɣee si mafẽ ne, ise idj silo. Si silo agbãagbã iibore kukaako ne, nda maabara maatsue kuka go oturi to ofẽ?

⁸ Si ngo lofẽ kadadã iifẽ kukaako ote nne oto oɣe ne, nda i maturi aaledza so matã kakkpã?

⁹ Ngbo ame ise i ngo nse oɣe ara i side agbãagbã ame fie maturi iito manɔ nne oto oɣe karõ ne. Owiri ame kere oto ode ika opia.

¹⁰ Side agbã gbodzoo pia i kayiiso fie ku side na dze nna karõ.

¹¹ ʏee si orere iito onɔ side dze nto loɣe ne, iyo lode ofo i õ kore fie õ wũ ode ofo i wũ kore.

¹² Go ano ɔrete mi mito mibie siwarã ame karatã ne, mitã so mi ano aarete i karatã ga loamora mafodedze ikuri iso.

¹³ Ngo nse oɣe side agbãagbã si otã ʏaa iti so atã wũ side karõ idj si owawo nne oɣe karõ odj.

¹⁴ Alaso si nto lokparama kayi i side dze loito lonɔ ame ne, wũ siwarã side nto sikparama kayi ɣee iide wũ adzuni.

¹⁵ Ne oso be loabara? Loakparama kayi gu wũ siwarã, ɣee loakparamagu wũ adzuni fie loaka kuka ana ku wũ siwarã gu wũ adzuni.

¹⁶ Fie si aɣe ape ʏaa siba i fo siwarã ame kerekere ne, nda i fo olaa go nɣe i fo kore aabara fie ãano nne ato aɣe fie ãatorã osia so iba ngbo go ãino nne aɣe karõ?

¹⁷ Iawo ode so tee abua ape ʏaa siba, ɣee maturi tsora iina kusia i fo kayi ikparama ame.

18 Nto lope Ḳaa siba so nse loxe siḡe agbãagbã loḡo mi oḡuḡu.

19 Ḳee i kasarekõ ne, loabie so loaxe atõme aru wa loasu lote maturi ara iḡo so loaxe atõme gbodzoo wa nna karõ i siḡe agbãagbã ame i maturi kore.

20 Wũ manyii midaabara so mabiete i mi adzuni ame. Miḡe mabiete i akpi ibara ame xee i mi adzuni ame ne, miḡe mma lookpa ano.

21 I Oko Sekelea ame ne, Bosate oxe so,
“Loaḡegu wũ maturi ika i
sifoḡe ame gu iki i mafõ iso.

Ḳee nneḡo kora iibatã makã me atsue.”

22 Ne oso siḡe agbãagbã ixe ne, ikparĩ iḡe itã mma loifo maḡe. Ḳee Ḳaa itõme ixe ne, mafõḡedze karabara kaḡe, iḡe mma loifo maḡe.

23 Ne oso si mafõḡedze oḡuḡu oḡa maasakanya fie oḡiara otse siḡe agbãagbã ixe fie mma loiḡe mafõḡedze pia i mi ndẽ ne, maibaḡe so mito milala?

24 Ḳee si mi ndẽ oḡiara to miḡi Ḳaa itõme kanya fie oturi fefea ḡo loiḡe foḡedze oḡa mi ndẽ ne, oto õana ono itõme iwẽ ibaraḡ karabara i õ iso. Oasu itõme ne ono oḡegu so atõme so kpibaradze oḡe.

25 Ara werẽa wa mpia i õ otu ame to aabore aba oḡbami itã so õabo so karõ ope ageḡẽ ole Ḳaa oxe so, “Gbaã, Ḳaa pia i mi ndẽ!”

Ori Gõ Iso I Mafõḡedze Ikuri Aabara Ma Kasumu.

26 Wũ manyii, nne lobie so loaxe lobua i mi isare iso nḡe so, si miba miasakanya so miakparama kayi ne, omoi ba kuka, omama ara ite, omama ba iḡi ite. Omoi ana aaxe itõme i

side agbāagbā ame, fie omama ana ba side agbā mama karõ idi so ãadi nne maye karõ. Minyo so ira biara ne miabara ne, iatã mafoddedze ikuri aamõ ibua.

²⁷ Si orere ba itõme i side agbāagbā ame ne, ma inyo xee ite kere si ma nye isia isia. Yee omama si odji nne maye karõ.

²⁸ Yee si kuwẽ na go ãadi nne mato maye karõ ne, iyo ma obiara si olo i kasarekõ si odegu Yaa onowẽ ika.

²⁹ Maturi inyo xee ite ma lofo silo maboregu i Yaa kore kere si ma nye nne i Yaa oxere ma. Ma tsora si marere ne ame kukaako manyo.

³⁰ Si mma nsi i kasarekõ mmõ orere ofo silo oboregu i Yaa kore ne, ngo nto ode ika si olo toto si otã õ olaa ori.

³¹ Ori pia so mi odudu aaxe Yaa itõme, xee miye owẽ owẽ si obiara aawo ira osuã fie miapia so ole.

³² Ole go mase maye ala Yaa itõme ne, opia i ngo nto oxeye itõme ame so ãawo ode so iso.

³³ Alaso Yaa se obie so bobara ira biara i ori iso gu isobue ame.

Le kumego ise i mafoddedze ikuri biara ame ne,

³⁴ marõgo si malo i mi kasarekõ so maibade ika. Mana ori so maade ika, xee mabo so karõ le kumego i Yaa mmara ote awe.

³⁵ Si mato mabie so maakare irere manõ ne, makare ma marã si maobo iyo. Alaso iba kunuare so orõgo ata oya ode ika i mafoddedze ndẽ.

³⁶ Mi kore i Yaa itõme ogodẽ? Eberere mi kore pe i Yaa itõme oobo?

³⁷ Si mi ndě ọrere ọbu sọ Ẹaa kanyaq̄idze ọḍe ẹee Siwarã Bielea pia i ẽ ame ne, ẽatsue sọ nne nto lote ne, ngbọ i Ẹaa ọbie sọ ise ne.

³⁸ Si ọrere ọsẽ itõme nẹgbe ne, mi wũ misẽ ọnyii.

³⁹ Ne ọso wũ manyii, misu mi anọ ọḍuḍu misia i Ẹaa itõme kanya idj iso, ẹee midaanyua sịḍe agbãagbã iye.

⁴⁰ Mibara ira biara i ọri iso i isekele ame.

15

Miniyigi Nne Bofọ Boḍe.

¹ Wũ manyii, kiniọ ne, lobie sọ miniyigi Itõme Bielea nẹ loyere mi fie mifo ne, fie miye teteree i ne ame.

² Si mimọẽ Itõme Bielea nẹ loyere mi mila teteree ne, miana ngbã, si iide ngbọ ne, iyo mi kafọkaḍe na kusia kukuwẽ.

³ Nne lofọ loboregu i Bosate kọre losu nto lotã mi. Nne lofọ kuḡa idọ pelepele nde sọ, Kristo ọkpi i bo akpi iti le kumegọ i Ọko Sekelea ọte.

⁴ Mabiara wũ, fie Ẹaa ọtara wũ ọḍi i makpise ndě i akpenẹ ate kama i Ẹaa itõme kanya.

⁵ Ọḍi so ọte Petro gu katõmemasẹdze iweo-inyo.

⁶ Ne kama ne, ọḍi so ọte ẽ masiaidze ma loḍo maturi alafa aru ana. Ma gbodzoo si ngbã ipẹ i nọme ẹee ma mawẽ ọkpi koko.

⁷ Ne kama ne, ọḍi so ọte Yakobo gu katõmemasẹdze tsọra ọḍuḍu.

⁸ Katsorakõ ne, ọḍi so ọte me gọ maḡe kamakama.

⁹ Alaso mme nde otsora i katōmemasēdze ndē oduḍu, fie loikote so maaro me so katōmesēdze alaso loti mafōdedze kama lobara ma kako.

¹⁰ Ḳεε Ḳaa nnyainyo oso fie loḍe nne loḍe kinio. Ḳ kayiribielea ana iide siefe, alaso loobara karabara teteree loḍo katōmemasēdze tsora oduḍu, Ḳεε iide mme mōmo ole ame lobara, Ḳεε Ḳaa ole go nto obara karabara i wū ame oḍe.

¹¹ Ne oso mme loyere mi irere o-o, ma loyere mi o-o ne, ira ka iwē nemo kere boto boye fie ne mifo mide ne.

Ḳaa Otara Kristo Oḍi I Makpise Ndē.

¹² Kinio ne, go bo itōme ne boto boye nde so Ḳaa otara Kristo oboregu i makpise ndē ne, be oso i mi ndē mawē to maye so Ḳaa iisibatara makpise obo ngbā?

¹³ Si gbaā ide ne, ite so Ḳaa iitara Kristo o wū oḍi i makpise ndē.

¹⁴ Fie si Ḳaa iitara Kristo oḍi i makpise ndē ne, iyo bona kuira ne boape imomo fie mi kafokade ana de siefe.

¹⁵ Nne lonyanyarī ido kora nde so ne, ite so boto bola sila bosia Ḳaa iso so otara Kristo oboregu i makpise ndē. Fie si gbaā i makpise iibata ne, iyo otara Kristo o wū.

¹⁶ Ne oso si makpise iibata ne, iyo mitsue so Ḳaa iitara Kristo ana oḍi i makpise ndē.

¹⁷ Fie si Ḳaa iitara Kristo oḍi i makpise ndē gbaā ne, iyo mi kafokade na kusia kukuwē, fie mikpese mipia i mi akpi ame.

¹⁸ Ne karō ana nde so, Kristo mafōdedze ma lookpi ana owo.

19 Si ngbã meḡbe ame ɔnɔwẽ boba oriinyɔ i Kristo ame ne, iyɔ bo nde mma mba nnya boḍo pelepele i kayiiso.

20 Yee ḡbagbaã ide so Yaa ɔtara Kristo ɔbɔregu i makpise ndẽ. Ne nde bo ayaikama so mma ɔḍuḍu lokpi ne, mato maaledza ita.

21 Alaso kumegɔ ame iki i ɔturi ɔwẽ iso i kukpi ɔba i maturi ndẽ ne, ngbɔ ame ita ibɔre i makpise ndẽ ana aaki i ɔturi ɔwẽ iso iba ne.

22 Kumegɔ ame i kukpi ɔba maturi ɔḍuḍu iso alaso boḍe Adam mawa ɔso ne, ngbɔ ame i Yaa to ɔaledza maturi ɔḍuḍu itara ibɔregu i makpise ndẽ iki Kristo iso ne.

23 Yee Yaa to ɔatara obiara i ɔwi ḡ lokote iso. Kristo loḍe katɔ iyɔ ne kama mma lofo wũ maḍe ata ku ɔwi ḡ ɔaledza ikpese iba.

24 Ne kama ne, kawirikɔ to kaaba, Kristo to ɔawɔra atakere, maturi kanya mayadze, sile gu siwarã ame sile dze nto siḍe iso ɔḍuḍu. Ɔto ɔasu sigarakadekɔ ɔpia i ɔ Ɔse Yaa nroɔ ame.

25 Alaso Kristo to ɔaḍe iso ḡbɔḡbɔḡbɔ ɔwi ḡ i Yaa aasu ɔ matsirise ɔḍuḍu ɔpia i Kristo ngba kayirino.

26 Tsirise tsɔra ḡ ɔawɔra nde kukpi.

27 Alaso Ɔko Sekelea ɔye so, “Yaa to ɔasu ara ɔḍuḍu ɔpia i ɔ ngba kayirino.” Fie ikpa sekelee so ara ɔḍuḍu ne, Yaa ḡ losu wã ɔpia Kristo kayirino ne, Ɔibua i wã iso.

28 Fie si Yaa ɔosu ara ɔḍuḍu ɔpia i Kristo kayirino ɔro ne, Kristo ḡ nde Yaa ɔbi ana to ɔasu so ɔpia i Yaa kayirino so Yaa ɔnɔwẽ saã aade ara ɔḍuḍu iso.

29 Kinio ne, mma lofo Yaa itupie kubarara i mma lookpi koko iti ne, be loabore i ne ame ita ma? Si gbaã ide le kumego i mawẽ to maye so makpise ita kuiwẽ na ne, be oso i mmamto to mafõ Yaa itupie kubarara i mma lookpi koko iti?

30 Ana ne bo xee? Be oso fie bo ngbã aawe i imorẽ ame owi biara?

31 Wũ manyii, kukpi to kugbere me kasẽ i kakome! Wũ kato ikoleso i mi iti so miabara mawẽ ku Kristo Yesu oso nto loji nnegbe loxe.

32 Si maturi kuxeme kere oso fie lokpẽgu maturi ma nse le maboi lalaa i Efeso ne, mme kusia lona loji i ne ame? Fie si maturi iisibata mabore i makpise ame gbaã ne, iyo le kumego mapẽ igbã so ne, “Mitã bođe si bone, alaso korãkađe boto boakpi,” đe onukuare.

33 Midaassosola so. Kulaa nyanyarã se kunina oturi see.

34 Mikpese miba mi ame si minyua mi akpi siri mise si mibara ara i ori iso. Nto loxere mi sekelee si kunuare si kukpẽ mi so mi mawẽ iixe Yaa.

Paulo Dđe Ika I Siturina Iledza Ita Iso.

35 Dweã aakare so, “Nda i makpise aabara fie maaledza ita? Siturina simele igbã maawe?”

36 Iikpa mi! Si mipia oradui i karõ ame ne, iise ire si iide katõ iburi.

37 Fie oradui go apia i karõ ame ne, ibi kere ide le itita xee idziribi irere. Xee si ire ne, ise ikpaki ibore i kumego ise fie apia ne i karõ ame.

38 Yaa se otã idziribi negbe kumiamia go õ odõ. Dse otã oradui biara kumiamia go lokotegu wũ.

³⁹ Ara wa ɔduɔdu mba ngbã sosina iikote. Maturi awune sosina pia, ngbo ame nde maboi, kurodzai gu ndu ame kufarai sire ne, ira biara ku ne sire.

⁴⁰ Ara wa i kuɔokpo ame pia fie karõ iso are ana pia. Kato ara kule ɔkpaki ibore i karõ ara iso.

⁴¹ Kuɔẽ ba kõ ifie, fie ɔgbaworeti ana ba õ ifie. Awãmi ifie ana ɔkpaki. I awãmi kerekere ndẽ ne, ibiara ba kumego ise ifie.

⁴² Ngbo ame kere iase ku kawirikõ go ʒaa aatara makpise mawe ngbã ne. Ɔwi go mabiara ma ne, siturina dze nse siburi side mawe, ɔɛɛ ɔwi go ka maata ne, maisibakpi.

⁴³ Ɔwi go mabiara wũ ne, ɔnyo nyanyarĩ, ɔɔbɔɔɔ, ɔɛɛ ɔwi go ame ɔata ɔbore i makpise ame ne, ɔare situri fie ɔawe ole ana.

⁴⁴ Ɔwi go mabiara wũ ne, kayiiso siturina dze loakpi side.

ʒɛɛ ɔwi go ka ɔata ne, siwarã ame sosina ɔatagu ala. Si kayiiso siturina pia ne, iyo siwarã ame sire ana pia.

⁴⁵ Alaso i Ɔko Sekelea ame ne, ipia so, “Ɔturi ɔeakatõ go nde Adam ne, ʒaa ɔbara wũ gbanadze.” ʒɛɛ Adam tsora goɔbe ne, õ nde Siwarã dze nse sitã ngbã ne.

⁴⁶ Iide Siwarã ame ore kere loɔe katõ, ɔɛɛ sosina ame ore fie kini i siwarã ame ore ɔsiai.

⁴⁷ Adam ɔeakatõ go i ʒaa ɔbara ne, sise mapo wũ ala. ʒɛɛ Adam tsora ne, Kato ɔbore.

⁴⁸ Mma nde kayiiso maturi ne, mase le ngo mapo maɔi i sise ame. ʒɛɛ mma nde kato mare ne, mase le ngo lobore i kato.

49 Ne ɔso kumegɔ ame bopia siturina le ngo mapɔ maɖi i sise ame ne, ngbo ame boapia ngo lobɔre i kato kumiamia ne.

50 Wũ manyii nne nto loɣe karɔ nde sɔ, siturina gu ima iibawo ɔaa sigarakadekɔ ame ɔbo. Ira ne nse ikpi ne, iibawo ɔse sɔ iisibakpi inya.

51-52 Minɔ iwerera negbe. Bo ɔduɖu iibakpi. ɔee i kadadã tsɔra ire ame ne, ɔaa to ɔafinikira bo kumiamia. Jabara ne fie aama inɔmi abusi. Alasɔ si kadadã ɔbe ne, ɔaa to ɔatara makpise sɔ maisibaledza ikpi manya fie ɔafinikira bo kumiamia.

53 Alasɔ ira ne nse inina ne, maafinikira ne makpesera nne loise inina. Ira ne nse ikpi ana ne, maafinikira ne nne loisibakpi.

54 Ne ɔso si iɔba sɔ mafinikira ira ne nse ikpi ikpese nne loise ikpi ne, iyo ɔko Sekelea ame itɔme ne loɣe sɔ, “Maɔwɔra kukpi, idɛ iso ɔɔba!” aaba i ne ame.

55 Matsere ana sɔ.
“Kukpi, fɔ idɛ iso ɔee?”

Fie ɔle go ase ata bo ala ɔee?”

56 Kukpi se kuna kɔ ɔle kuɖoe bo iki ikpi iso. Ikpi ne wũ ne, ne ɔle ɔɔre i mmara ame.

57 ɔee bope ɔaa go lotã bo idɛ iso iki i Bosate Yesu Kristo ame.

58 Ne ɔso ne, wũ manyii ma loipia kuɣe, miya teteree sɔ miibarɔ. Mimɔɛ Bosate karabara mila kukaako alasɔ miɣe sɔ ira biara ne miabara mitã Bosate ne, iibaɖe siefe.

16

Karatã Itã ɔaa Maturi ɔete.

¹ Kinio ne, i nne mitsere mikare me i karatã ga miasu mibuai mafoddedze akuri i Yudea iso ne, mibara nne loxere mafoddedze ma i Galatia so mabara.

² Kosida biara ne, obiara si odi ira ose i ñ karabara kanya so si loba ne, ara ito kuiwe iisibawe.

³ Si loba ne, loatsere oko lotã mma i mi momo midj so masu mi karatã makelegu Yerusalem.

⁴ Si inya so mme wu losiai ma ne, iyo bo odudu ka boakela.

Paulo Adzuni Wa Obara.

⁵ Nto loaki i Makedonia fie loabo mi kore alaso loxe so loaki i mmo toto.

⁶ Ito ibara me so nto loade ayi arẽsaã i mi kore mmo. Siainyo oyu owi odudu ne, nto loawe i mi kore fie ka miadi me ori loakela ngbego loakela.

⁷ Loito lobie so loatere ise lorui i mi kore xee loawe ise iabo owi go i Bosate aatã me.

⁸ Loawe i Efeso ngbe ise iabo Pentekoste iyi iso.

⁹ Ori siare obusi ngbe otã karabara ga lofo kuxa gbaã atoa so matsirise gbodzoo ota maxe me iso.

¹⁰ Si Timoteo obo mi kore ne, mifo wu kukaako alaso Bosate karabara kade oto obara le kumego nto lobara awe.

¹¹ Midaanyo wu le obiete xee mibuai wu so ñ irise aase katõ i isobue ame so ñaba ñatu me alaso nto lonyo ori so ma gu bo manyii tsora aaba.

¹² I bo onyii Apolo itõme iso ne, looxere wu owi gbodzoo so ñ gu mafoddedze mama si maba maanyo mi xee õitorã so ñaba kinio. Si ona ori owi mama xee ne, oto ñaba.

So Imala Atõme.

13 Midzuẽ so si miya teteree i kafokade ame. Mina otu si miwe ole.

14 Mibara mi karabara odudu i kudɔe ame.

15 Miye Stefana gu ã iyo maturi. Ma nde maturi deakatõ ma lofiniki i Akaia ibuti ame. Masu so matã Yaa maturi ibuai. Wũ manyii, loto mi i kukpa

16 so minyo mmagbe igbã nsegbai gu mama ma lobuai mapia kube i karabara ame si mitã so ma igbã loakoko mi.

17 So ɔɔ me so Stefana gu Fotunato gu Akaiko oba maabo alasɔ ise me le mi loonya.

18 Matã so so ɔɔ me gbaã ole xete oba me le kumego iba-o iso. Le so boasia maturi magbe igbã ikparĩ boware ma.

19 Mafodedze ma mpia i Asia karõ iso odudu oya mi o-o! Akwila gu Priskila gu ikuri ne nse isare i ma iyo so maya mi kukaako i Bosate iyere ame.

20 Manyii ma odudu mpia ngbe oya mi o-o!

Miya so i kudɔe ame le manyii awe.

21 Mme momo korõ losu lotsere so, "Mme Paulo mme nto loya mi o-o!"

22 Oturi biara go loise odɔe Bosate ne, sigbarĩ si siba i onyio iso. O Bosate, ba!

23 Bosate Yesu nnyainyo si iwegu mi.

24 Wũ kudɔe si kuwegu mi i Yesu Kristo iyere ame. Si iba ngbo.

Siwu

Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

b5020a1a-c7b9-512a-9b46-1e462be571d4